

泰州志卷之二十六

人物隱逸

宋王伯起字興公海陵人父綸為太常博士伯起嘗以恩得官讓其弟舉進士不中歎曰士不自重與千百人旅進坐軒廡下獻小藝規合有司可恥也與其冒恥而得祿寧貧賤而肆志焉於是閉門靜處踰三十年鄉人多不識面善詩歌名著東南部使者薦諸朝不起仁宗英宗兩賜粟帛如臯王覲誌其墓曰先生不有其道而道信於朋友不尸其名而名聞於朝廷與夫懷印曳綬乘肥衣輕自以為得意而死之日民無稱焉者異矣

舊志

泰州志

卷之二十六

隱逸

參府志

卞大亨字嘉甫泰州人由鄉舉入太學升舍有聲靖康中攜二子走行在宰相范宗尹以遺逸薦調懷寧縣簿紹興中隱居象山之錢唐村手植萬松行吟其閒自號松隱居士好讀左氏傳及史記杜少陵詩素習養生導引術醫藥占算尤極其妙解衣推食賑恤飢寒手製藥餌惠利甚溥子園字子車亦有聲太學號卞夫子紹興三十二年第授揚州府倅著有松隱集二十卷尚書類數一百卷傳信方一百卷

府志浙江通志

舊志不載

堯允恭字克遜景定咸淳兩朝為宋臣專意經傳

邃於易深得性命之理自號觀物老人元江浙行省兩
檄充濂溪東川書院山長皆不赴安貧樂善學者多游
其門著有觀物老人集二十卷德安堂方書一百卷

舊志

府志入儒林今仍舊志

明王好問字爾裕承清白吏後家徒壁立性耽文史於
書無所不窺咸手自過錄勿涉陰陽卜筮之書解青烏
術占數尤驗或勸之就試不應平生足不至官府里中

稱爲次山翁云 舊志 府志不載

吳纘姬字璣灘安豐場人其先以戍籍家登州纘姬舉
崇禎庚午鄉試先是纘姬曾祖國相嘉靖丁未進士官

秦州志

卷之二十六

隱逸

二

南京戶部欲回籍不果及山左亂纘姬挾弓矢持稍護
二親出重圍遂歸秦州流離奉親不缺甘旨之養親歿
嘉遜不仕甘老邱園人咸高之

舊志

季來之字大來世居安豐場少敏悟就童子試一日成
數藝提學韋宗孔器重之時宮繼蘭爲孝廉奇其文延
至家課其子偉鏐崇禎壬午師弟同舉於鄉性狷介尤
篤於天倫嘗爲六要箴訓子弟晚歲潛心理學一夕夢
王良與其講論遂署其室曰誠心堂素能飲痛父以酒
邁病遂斷飲隱於仇湖終身不仕臨歿有自訣詩人名

誦之 東臺志參舊志 府志不載

案舊志入文苑今依東臺志改入隱逸東臺志以續
續如入明代以來之人 國朝案續姓來之俱係

續時舉人今依舊志入明代

張一儕字爾弼工詩書文樂禎時與俞鐸張幼學陸舜

為曲江社過無錫慨然慕顧高二君予之為人鼎革後

隱居以終子世爵康熙壬子副貢生孫符璜有傳續志稿

舊志有儲宏陳鷲劉昆宮永建四人永建改入孝友

儲陳劉改入篤行

鞠黃雲字仙裳號舊樵世居姜堰鎮早孤事母極至孝

幼受知於州教舊志府志俱作太守誤陳素素被枉破家雲不避

泰州志 卷之二十六 隱逸 三

險難與之同游汝寧竭力周旋人以爲難康熙癸亥與

修省志晚年愈貧苦屢辭聘召益肆力於詩歌東南持

風雅者必宗焉時而曬網號漁人時而海船稱估客最

後不儒不墨自號樵青年八十二而終著有樵青集桐

引樓集悠然堂稿子二陽生泰來並工詩府志參舊志舊志入儒

林今依府志改入隱逸

吳嘉紀字賓賢號野人家安豐場之東洵其先世寵戶

也幼負異姿以童時習舉子業操觚立就無何輒棄去

日男兒自有成名事奚必青紫爲自是專力於詩歷三

十年絕口不調生進蓬門蒿徑樂以忘飢其爲詩工

嚴冷危苦之詞所撰今樂府尤悽急幽奧其皆變通陳迹
自為一家近代巖棲之作鮮有過之者久之聲聞海內
鉅公名流咸樂與交周亮工王士正官揚郡驛使三百
里強致之為刻其詩以行同時諸詩家如孫豹人郝列
吉輩亦爭相推重性篤孝友重氣誼授經里門時以所
得修脯資其兄自食不能給一脯恬然安之歛入三環
死揚州東淘王丹死虎墩皆無後嘉紀為經理其喪至
年六十八卒著有陋軒詩六卷時東淘有戴勝徵者字
岳子愛游白嶽以舟載其石歸因號石樵與嘉紀同謫
蕭於寒蘆野水閒其詩清冷古淡其於嘉紀著有石樵

秦州志 卷之二十六 隱逸 四

詩鈔二卷 新舊府志東臺志參臺志 案舊志 志入名賢所載甚夥今錄焉

王言綸字鴻寶諸生世居安豐與同里吳嘉紀沈鵬開
友善稱為三逸隱於樊村以詩歌自娛著有棘人草 東臺

志本秦州志 案舊志不載未
知東臺志所據何本今增入

朱樹字儕尹號春江貢生家貧授徒以詩酒自娛例選
學官不就有隱君子風年八十有九 續志 稿

崔士偉字樹駿諸生性高曠喜山水嘗偕其妻為西湖
之游歸築別墅於南村日蓉水山莊招致名流賦詩飲

酒其中里人舉鄉飲賓却之年八十有五 舊志

人物藝術

明程贊字易三住海安鎮工山水運筆高渾名載吳陵

畫譜中

采訪錄

程通字子邈號山居住海安鎮工書終日不釋筆亦不喜贈人每掘隙地瘞之與程贊齊名

采訪錄

柳敬亭者名逢春本姓曹住曹家莊年十五獷悍無賴李三才開府泰州緝地方惡人有司以逢春應乃走挾稗官一册妄以意抵掌於盱眙市久之過江指柳爲姓游吳越金陵所至與豪長者相結自稱其技得之雲閒儒者莫後光教以養氣定詞審音辨物以爲揣摩使聞者歡哈嗚噓進而毛髮盡悚舌橋然不能下又進而目

泰州志

卷之二十六

藝術

五

之所視手之所倚足之所跂言未發而哀樂具乎其前聽者儻然若有見恤然若有亾也會寧南左良玉與皖將軍杜宏域不協宏域念非生莫解乃進之良玉良玉知其辨欲觀其能帳下用長刀遮客引就席皆震懼失次逢春索酒談諧啁笑旁若無人左大驚恨相見晚居數日左沈吟不樂孰視生日揣我何念曰得母以亾卒入皖而杜將軍不法治之乎左曰然曰非君侯命杜將軍不敢專請一騎馳入杜軍斬數人乃定時幕府多儒生爲文檄不中窾會柳故不知書口畫便宜輒合左痛起卒伍不知母姓柳曰不聞天子賜姓事乎左大喜

具奏左有愛將陳秀犯罪必死柳請觀奇物玩好在
所畫已像一關隴破賊圖又指其一曰良玉天下健兒
功成後將入山圖內有負瓢笠者秀也柳佯不省左語
之且告以罪柳曰若負恩當死顧君侯以親信卽入山
且令自從殺之此圖爲不全左領之左與阮大鍼隙柳
注說至南都朝貴皆傾動柳竊安舊節起居故人無所
改聞板礮築城頓足曰此不西備疑必起矣果如其慮
初左授以鎮銜又令署武昌縣俱不受左沒朝士欲官
之非其意也所獲千金散盡貧困意氣自如日向在盱
眙市上夜寒藉束藁臥扉屨踵夾行雨雪中今雖落魄
泰州志 卷之二十六 藝術 六

尙足爲生有吾技在何憂貧乎乃復往來吳中嘗爲人

說寧南時事其技益進 府志采吳偉業撰傳

韓士文號伴松以醫濟人能詩著有休休樓集 舊志

國朝張嶽字石樓幼學子工書尤善繪事遊京師得嶽片

紙者寶若珠璧以西征辦馬得官需次時有謁選者持

里中故交書求代保結同人疑之嶽獨曰故人數千里

相託豈有迂我哉遂從其請果以此事註誤落職嶽絕

不置意河督重其才奏留工次者十餘載及朝賢薦用

而嶽已歿人多以重金購其書畫焉 舊志

沈嘉植字桓雙康熙十年拔貢生父傳曾工書法喜

能紹其傳晚年任清河教諭卒官

舊志

鮑魯字東阜世業醫魯兼通內外推五運六氣之奧每逆探歲氣以為之備診視脈理隨虛實調劑之治十得十遇貧者不取藥直雖珠珀之屬無所吝餘皆輒以周

親族年七十餘

舊志

王爾豫字天如其父孫駒受業為術於隱者豫傳其學

兼通易理嘗為從弟晉原葬母許以寅葬卯發其言竟

驗豫多子孫枚筮之日長孫凝可讀書後為諸生他事

亦多奇中云

舊志

李穎字箕山能詩工篆籀尤擅山水在北苑大癡閒嘗

秦州志

卷之二十六

藝術

七

遊上谷雲中見峯巒奇峭畫益進諸賞鑒家爭寶之

舊志

戴笠字雲笠號贖夫善蘭竹有東坡筆意喜吟詠書亦

蒼勁工小兒醫多所全活年九十餘

舊志

王汶工寫真與丹徒王禧海寧俞培吳江周杲輩齊名

國朝畫

徵錄

唐志尹字相五住姜堰鎮工花卉翎毛所居構萬竹園

旨襄藍瑛輩嘗過訪之康熙初年八十餘弟志契字敷

五善山水能詩志契子日昌字希白得志尹傳時稱三

唐云

已下據續志稿采訪錄

黃龍士住姜堰鎮工奕以國手稱

黃喬年字鳧仙工詩擅書畫年八十子植女楮俱以書

畫名

舊志

陳鑛號澗夫一號澹道人住海安鎮能詩工書畫畫松與桐尤極其妙侍郎夢麟大谷山堂集中有澹道人秋色梧桐歌甚稱許焉

周楨字蒼厓住海安鎮善青綠山水奇橫蕭疏兼有其致李岱及僧清永師事之岱號柏堂工山水花卉岱弟峯號石丈工墨梅

宮鳳舉號蓼溪編修鴻口子工詩善書畫規撫宋元人粉本輒生動有諸生黃景雲者號竹田作蘭竹花鳥草

秦州志

卷之二十六

藝術

八

蟲絕工兼工書法

宋之極字瑞圖住港口鎮工人物花卉其弟子團時根字天農善繪水

徐采號神臯方松齡號野橋住海安鎮竝工詩畫擅著色花卉采載吳陵畫譜中

張品邁字龍璧諸生工花卉翎毛嘗繪百蝶圖缺一偶游焦山見一蝶衣備八卦乃補足之

程儀字其羽號巢雲工書學董文敏陳伊旭號學顛諸生張興宗字嶷亭拔貢生真行俱得二王墨妙

陸祖禕號迂叟江淮字桐柏竝住海安鎮禕善草書及

摩巢字淮工小楷疊數幅枝之一絲不走有解模者空筆榻亦以善書稱

李左民者善寫真相傳赴郡守之召行李入城有力者負之而去左民假紙筆於市默識其面目繪小像懸之城門衆曰此某也立訪之果獲

繆維字右川工山水子嵐得其父皴法嘗寫夏山烟靄圖真州方元鹿極賞之繆肇慶者號棠溪以芭蕉得名畫秋菘亦生氣拂拂從十指出

陸合字同春性孤傲習舉業不售遂棄去隱於奕羣推爲黃龍士後一人

秦州志

卷之二十六

藝術

九

李夢庚字星緯廩生書法宗趙文敏而能獨出機杼學使曹秀先稱賞之

徐彪字文虎住海安鎮能詩善寫真其弟路字步雲工書好吟詠有落梅詩一百首一時傳誦

陳策字文進監生少孤事母孝工醫多應手而愈者

宮製錦號石泉舉人官南寧縣知縣自少工書在都時貴家子弟多師事之雲南罷官歸復游京師名益重性寡諧士大夫招之往不合卽去所得金輒隨手散晚年多疾寓居康山不書者日盈其門遂歿於揚州

韓敬之初名均號治也舉人官上元教諭博通淵

京師睿邸遇以殊禮工書學鍾王常題香海畫冊鐵侍
郎保極稱賞之

徐沂字德澡號清溪世業醫至沂術尤精遇貧者輒助
藥餌如臯大賈孫某欲以千金館之不赴通州有陳模
者素與沂善其婦病招之往道至海安遇風覆舟援者
止之不可乃假衣而行其風義類如此性友愛撫兄子
十餘人皆成立族黨間多所周卹年八十二終于百賴
能世其傳